

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na nastavku 56. sjednice, održanom 15.03.2012. godine, d o n o s i

ZAKLJUČAK

I.

Prihvata se Izvještaj o realizaciji Programa utroška namjenskih sredstava za uređenje poljoprivrednog zemljišta za 2011. godinu, Ministarstva za poljoprivredu, šumarstvo i vodoprivredu Zeničko-dobojskog kantona, kao obrađivača.

II.

Izvještaj iz tačke I ovog zaključka, zajedno sa izvještajima ostalih ministarstava o namjenskom utrošku sredstava sa transfera iz njihove nadležnosti, uputit će se u skupštinsku proceduru radi informisanja.

III.

Zaključak stupa na snagu danom donošenja.

Broj: 02-_____/12.

Datum, 15.03.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x Stručna služba Skupštine,

1x a/a.

IZVJEŠTAJ

o realizaciji Programa utroška namjenskih sredstava za uređenje poljoprivrednog zemljišta u 2011. godini

Na osnovu Zakona o poljoprivrednom zemljištu, Ministarstvo za poljoprivredu, šumarstvo i vodoprivredu je u postupku izdavanja saglasnosti za promjenu namjene poljoprivrednog zemljišta prikupilo sredstva i na prijedlog ministarstva Vlada je usvojila Program utroška sredstava za uređenje poljoprivrednog zemljišta u 2011. godini, Zaključkom Vlade Zeničko-dobojskog kantona broj: 02-14-12354/11 od 29.04.2011. godine kao i izmjene Programa utroška namjenskih sredstava za uređenje poljoprivrednog zemljišta u 2011. godini, Zaključkom broj:02-14-33104/11 od 30.12.2011.godine

Sredstva su planirana u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 404, pozicija „Finansiranje projekata iz sredstava za pretvaranje poljoprivrednog zemljišta u nepoljoprivredno zemljište“, u iznosu od 1.700.000,00 KM.

Izmjenom Budžeta Zeničko-dobojskog kantona za 2011. godinu („Službene novine Zeničko-dobojskog kantona“, broj:17/11) od 30.12.2011.godine, planirana sredstva su umanjena na iznos od 1.000.000,00 KM.

U proceduri za izradu Karte upotrebne vrijednosti zemljišta za područje Zeničko-dobojskog kantona, preostalih 50% ugovorenih sredstava (93.265,00 KM) za izradu Karte upotrebne vrijednosti je uplaćeno Poljoprivrednom prehrambenom fakultetu Sarajevo.

Ministarstvo za poljoprivredu, šumarstvo i vodoprivredu je na osnovu Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj:10/06), Odluke o izmjenama i dopunama Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj:04/08) i Uputstva o korištenju sredstava za uređenje zemljišta prikupljenih od naknada za promjenu namjene poljoprivrednog zemljišta broj:05-24-14055/11 od 27.05.2011.godine raspisalo Javni poziv za prikupljanje zahtjeva za odobravanje nepovratnih sredstava fizičkim i pravnim licima za uređenje poljoprivrednog zemljišta. Javni poziv je objavljen u dnevnom listu „Dnevni avaz“.

Po javnom pozivu zaprimljeno je 95 zahtjeva, od čega su 90 zahtjeva fizičkih lica, a 5 zahtjeva pravnih lica. Broj zahtjeva i struktura po općinama prikazani su u tabeli.

Tabela 1

R/br	Općina	Broj zahtjeva	Struktura zahtjeva		Odobreno	Odbijeni	Odustali
			Fizička	Pravna			
1.	Usora	6	6		5		1
2.	Tešanj	6	6		5	1	
3.	Doboj Jug						
4.	Maglaj	8	7	1	6	2	
5.	Zavidovići	6	6		3	3	
6.	Žepče	36	36		30	5	1
7.	Zenica	18	18		7	11	
8.	Kakanj	1		1		1	
9.	Visoko	7	4	3	4	3	
10.	Breza	1	1		1		
11.	Vareš	1	1		1		
12.	Olovo	5	5		5		
	UKUPNO	95	90	5	67	26	2

Rješenjima Ministarstva, a u skladu sa pomenutim Odlukama i Uputstvom, imenovane su stručne komisije za ocjenu potrebnih i provedenih mjera uređenja poljoprivrednog zemljišta. Komisije su formirane prema Uputstvu, a sastavljene su od strane predstavnika Ministarstva (dva člana), predstavnika Federalnog zavoda za agropedologiju (jedan član) i predstavnika općine (jedan član). Komisije su počele sa radom po zaprimanju zahtjeva. Prvi izlazak komisija je bio ocjena potrebe provođenja mjera uređenja zemljišta, a drugi izlazak je ocjena provedenih mjera uređenja zemljišta. Početno i završno stanje konstatovano je zapisnicima. U toku rada komisije su uzele uzorke (nulti i kontrolni) zemljišta i napravile digitalne zapise stanja parcela prije i nakon uređenja.

Ocjenom provedenih mjera uređenja i vrednovanjem hemijske analize zemljišta dobijeni su odgovarajući podaci za konačno vrednovanje provedenih mjera i urađena je procjena novčane vrijednosti urađenoga. Komisije su završile sa radom krajem novembra 2011. godine nakon dobijenih rezultata hemijske analize zemljišta od Federalnog zavoda za agropedologiju.

Ukupno je prihvaćeno 67 zahtjeva, a prijavljena površina kod ovih aplikacija je iznosila 1.050.800 m² (105,08 ha). Nakon provjere na terenu ova površina je reducirana na 1.011.200 m² (101,12 ha). Vlada je na sjednici od 24.11.2010. godine usvojila Zaključak broj 02-14-33154/11 i odobreno je plaćanje ukupnog iznosa od 824.743,90 KM.

Utrošak sredstava iz Programa prikazan je u tabeli 2.

Tabela 2

R/B	Namjena sredstava	Iznos planiranih sredstava (KM)	Ugovorena sredstva (KM)	Realizovana sredstva (KM)
1	Uređenje zemljišta	900.000,00		824.743,90
2	Izrada karte upotrebne vrijednosti zemljišta	100.000,00	93.265,00	93.265,00
	UKUPNO	1.000.000,00		918.008,90

Od planiranih sredstava Budžeta Zeničko-dobojskog kantona za 2011. u iznosu 1.000.000,00 KM, izvršeno-realizovano je 918.008,90 KM ili 91,80%.

**Ministarstvo za poljoprivredu, šumarstvo i vodoprivredu
Zeničko-dobojski kanton**